



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

27 c Die siben Schläffer zũ Epheso.

**urn:nbn:de:hbz:466:1-41449**

vo/vnnd marterers. Difer hat inn gemelter Statt die Kirch S. Marie / sampt dem Münster vnd Spital der Armen gebawen/hat 25. jar registret. Die feind der gerechtigkeit waren ihm von wegen seiner heyligkeit misgünstig/ward von Warachone dem Marschalck des Königs in Franckreich getödt. Als desselben Leib durch Senonas geführt/ haben sich alle gefencknuß selbst eröffnet/ also daß die Gefangnen erlediget / desselben H. Leib nachfolgeten.

Anno Dñi  
700.

Item eines andern Vigilijs Beichtigers vnd Diakons. Difer vñhet zu Constantinopel.

Anno Dñi  
460.

Item selige gedechtnuß des Bischoffs vnd Beichtigers Anselmi/ Carthusier Didens/ welcher auß einem Prior der grossen Carthaus zu einem Bellicensischen Bischoff gemacht ward/mit vilen wunderzeichen leuchtet/ auch einen ertruncknen Knaben wider lebendig machet.

Item die erhebung des heyligen Marcelli Bischoffs zu Paris/vnd Beichtigers.

Item zu Corduba in Hispanien/des H. marterers Pelagii/der dreyzehen jar auß befehl des Goelosen Königs Abdarameni in kercker eingeschlossen/vnd darnach vmb die bekennnuß Christi/getödtet ist worden.

Item in der Statt Corduba der Geburtstag des heyligen marterers Pelagii/welcher/ als er bey zehen jar alt war/in ein Gefencknuß geworffen/vnnd als er Christum nit verlaugnen wolt/ hat er von Abdarameno sein marter herrlich volendet.

Anno Dñi  
846.

c v. Calend. Iulij.

Der XXVII. Tag im Brachm.

In

## Junius

1. Tim. 4.

**I**n der Landschaft Galatia ist heut der Tag des heyligen Crescentis / so ein Jünger war des H. Apostels Pauli / zoge gen Wien in Franckreich / vnd beköhret mit dem Wort der Predig vil Volcks zu Christlichem Glauben / kam darnach wider zu den Galathern / denen er fürnemlich zum Bischoff geben ward / vnd stercket sie in dem dienst des Herren bis zu einem seligen end seines lebens.

Anno Dñi  
130.

Item in der Statt Tiburtina / in Italia gelegen / der H. Symphorose / sampt ihren sibem Söhnen / nemlich / Crescente / Juliano / Nemestio / Primitiuo / Justino / Stacteo / vnd Eugenio. Dife Symphorosa war ein Hausfraw S. Getulij (vonn welchem am 10. tag dis Monats gemeldet) ist vnder dem Kayser Adriano / vonn wegen der vnüberwindlichen bestendigkeit / erslich mit feusten geschlagen / darnach bey dem haar auffgehend / an ein Stain gebunden / vnd in ein flus gestürzt. Ihre Sün aber alle warden an einer Kam gepenigt / auch der erst erstochen durch den Hals / der ander durch die Brust / der dritt durch das Herz / der viert durch den Nabel / dem fünfften alle gleich der glider zerschritten / der sechst mit Spießsen durchstochen / vnd dem sibenden sein Leib vonn der Brust an bis zu niderst auffgeschnitten. Am andern Tag hieß Adrianus ihre Leiber in ein tieffe gräben werffen.

Item zu Corduba in Hispania des H. marterers Zoili / sampt andern 19. seiner mitgesellen / welliche vnder dem Kayser Diocletiano / inn ihrem Leyden bis zu dem Todi Ritterlich gekempffet haben. Als nun Sanct Zoili Leib lange zeit verborgen lag / ward er auß Göttlicher offenbarung dem heyligen Bischoff Agapio daselbst gezatzt.

Item

Item eines andern heyligen Zolli/der ein Püester war / vnd den Leib S. Chysogoni vnnnd viler anderer Marterer / begraben hat / dem auch S. Chysogonus erschienen ist / vnd einen seligen Tod vorgefagt hat. Wie dann geschehen ist.

Item zu Epheso die erfindung der heyligen siben Schläffer vnnnd Marterer / welche außforcht der Decianischen verfolgung zu Epheso in ein hölin gangen / vnd daselbst senfftiglich biß zur zeit des Kayfers Theodosij/nemlich vber anderthalb hundert Jar geschlaffen. Seind darnach wunderbarlich erweckt worden / vnd auß der Hölin herfür gangen / dermassen daß sie alles in der Welt verändert funden. Darauff erscheinet ein grosse vnd gewisse zeugnuß Götlichs gewalts vñ Chrißlichs Glaubens von aufferstehung der todten / auch ein grosse sterckung deren die in GOTT trawen vnd von ihm bewahret werden. Ihre Namen werden hernach am 27. Tag Heymonats gesetzt.

Anno Dñi  
253.

Anno Dñi  
430.

Item in Vngerland / in der Statt Paradien / die begräbnuß des heyligen Ladislai Königs in Vngern vnnnd Beichtigers / der im Leben vnd Wunderwerken fürtrefflich leuchtet.

Item in der Insel Hoya / die erhebung des heyligen Beichtigers Florentij.

Item zu Gent die ander erhebung des H. Marterers Linini.

Item zu Crispinio der Geburtstag des H. Beichtigers Adelini / der S. Landelini Jünger war / vnnnd zum dritten mal mit ihm / ein heylige sach gen Romt her / auch mit ihm das Predigamp vnnnd andere Gottselige vbung verrichtete.

Item zu Paris wurde heut gehalten das Fest der haimfüchung Marie der Mütter Gottes. Item

## Junius

Item in Turonenser Landschafft des H. Priesters vnd Beichtigers Johannis/ von welchem Gregorius Turonensis schreibet / daß er fürtrefflich inn Heyligkeit gewesen.

d.            iiij. Calend. Iulij.

## Der XXVIII. tag im Brachm.

**G**ute ist die Vigil vnnnd gebotten Fastabend der heyligen vnnnd fürtrefflichen Aposteln Petri vnnnd Pauli.

Item zu Rom der Geburtstag des H. Pappis vnd Lehrers Leonis des andern. Diser war ein Sicilier/ vnd vast gelehrter/ keuscher/ vnd heyliger Mann/ auch ein grosser Liebhaber der Armen. Da ernach der erwölung gen Rom einzoge / seind Englische stüß gehört worden/ die schryen: Ego cogito cogitationes pacis. Ist endlich von seinen Mißgönnern gefangen/ der zungen vnd augen beraubt worden / dannoch ward ihm von Gott dem Allmechtigen sein gesicht vñ Red wunderbarlich wider geben/ kam zu Carolo Magno König inn Franckreich/ der setet in wider ein/ vnd verschid endlich im seiden.

Anno Dñi  
817.

Man mainet auch/ daß auff disen Tag sey das Fest des heyligen Pappis vnnnd fürtrefflichen Lehrers Leonis des ersten / welcher doch am ailtften Tag Aprilis gesetzt ist.

Item zu Leon in Franckreich des heyligen weitberümbten Bischoffs vnnnd Marterers Irenei. So ein Jünger war des heyligen Bischoffs Polycarpi / nicht lang nach der Apostelzeit/ vnnnd hernach inn der verfolgung.